



IKAN-UM NGA PUNA

Mga bisaeá nga bukot eunsay inakeanon, ag mga bisaeá nga wat katimbang sa inakeanon

HUGPONG NAG XV

Pag gamit ku mga bisaeá nga sa ibáng hambaé mag halín

Madamue do mga bisaeá nga gina gamit sa inakeanon nga sa kinatsila, ininglés, hiligaynon ag tinagaeúg mag halin. Bangúd kará, hay kinahang-ean nga tukoran it sueondan do pag gamit ku mga bisaeá ngará, ag maw rayang mga masunód nga *sueondan*.

(a) Ro mga bisaeá nga sa kinatsila, ininglés, hiligaynon ag tinagaeúg mag halin nga gina gamit eon it masunson ag masigin sa inakeanon, ag tungód kará hay maeueobtan eon it dagayá. kon dayang mga bisaeá wat katimbang o kamukhá sa inakeanon, hay ipadayon do pag gamit kanda. Hwà: papel, tiket, abyan, kamukhá, kulay aip.